

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·華南地方·第一六一號

據

清·熊學源修，李寶中纂
嘉慶二十五年刊本


影印

廣東省

增城縣志

成文出版社有限公司印行

697777



中國方志叢書·華南地方·第一六一號


據

清·熊學源修，李寶中纂
嘉慶二十五年刊本

影印

廣東省

增城縣志



69/bchjs

成文出版社有限公司印行



10101600

中國方志叢書·華南地方·第一六一號


據

清·熊學源修，李璠中纂
清嘉慶二十五年刊本

影印

廣東省

增城縣志



sk/24/09

成文出版社有限公司印行



10101601

docsriver 文川网
入驻商家 古籍书城

在文川网搜索古籍书城 获取更多电子书

中國方志叢書·華南地方·第一六一號

據

清·熊學源修，李寶中纂
清嘉慶二十五年刊本

影印

廣東省

增城縣志



60/12/15

成文出版社有限公司印行



嘉慶庚午重修

增城縣志

省城龍藏街
萃文堂刊刷

邑人劉銘詩龜峯高上幾盤桓暇日登臨眼盡寬
萬疊蒼巒堆紫翠一江新水澈清寒蕭蕭落木西
風急點點歸鴉夕照殘迴想龍
山只如此憑誰寫作畫圖看

鶴嶺書聲

邑人胡庭蘭詩瑞鶴丹崖倚碧空古松芳藹蔭瑤
穹漢庭博士橫經館魯國諸生讀禮宮五夜絃歌
明月裏兩齋燈火暖雲中悠揚
已覺龍吟動節奏還應鳳律同

鳳臺涼月

邑人鄭質夫詩練江瀟灑淨環城鳳去臺空
月自明歸客滿身花竹影恍疑人世是蓬瀛
邑人釋古雲登鳳凰臺詩古雲秋半碧梧凋鳳去
空山感寂寥紅蓼江心悲近郭黃花亭面憶先朝
東來野靄浮巖嶺南盡長天落鯉橋
無限重巒迴鎖裏不知何處繫孤飄

增江晚渡

者一由其右唯達菊坡亭菊坡者宋理宗題右相崔公與之之號也故其門曰借光門曰敢問席光之義甘泉子曰先生之明德遠矣是光也塞兩間而耀之是席也卷六合而包之夫自光自席自席自光人人自有人人自足無有剩欠者無有相借者亦無有相借之者先生所謂借一席之光就眾人言之耳矣長所君蒞增既礪明倫之頌及聞席光之義勃然興起曰自有此亭誰聞此義因請甘泉子記于石以告多士

觀瀾亭

在南門城隅爲往來迎送之所今圯

津亭

在東門外河步知縣陸世科建今圯

修禊亭

曾成縣志

卷之九

勝蹟

亭榭

三

鞠蘭書室

學博劉銘築

據永樂志

附永嘉林岳記畧曰劉先生君子人也購地數畝在城之陽開方塘於東南拓蔬圃於西北築室一區覆之以茅而中處焉無節稅之麗無丹雘之飾旁求蘭本植室左右鞠養惟勤灌溉惟時顏曰鞠蘭書室余歸自雲南往見之左右惟蘭馨香之氣郁然而來視之無形聽之無聲攬之不足於掬氤氳焉氤氳焉散于書史匝于方塘恍若九畹之臨洞庭也

竹隱

在綏福都逕頭村邑人區志通築

據永樂志

附臨川吳雲庵記畧曰綏福有村曰逕頭二三十里皆連岫環嶂夾徑山嶄然下臨溪流林木翳日其陽最秀者為金紫峯聳拔峭刻如初出芙蓉色雜紺碧有區志通者以耕學為已任非召役未嘗至城府繞

屋樹幽篁萬竿旭日初霽輕煙乍收暖風徐來有敲
金戛玉之韻鳴禽下上有悠然自適之趣志通樂之
因題其所居
爲竹隱云

坊表

夫子宫牆

在儒學南正中尙書湛若水書額知縣孫雲建天啟
甲申知縣陳士章重建康熙四十六年知縣沈澄因
其址築牆十丈爲照牆仍刻夫子宫牆四字嵌於壁
騰蛟起鳳

在儒學街口前知縣吳偉顏曰儒林徐甸顏曰賢俊
亭衢陳士章重建易以今額今圯

孝順

爲孝子韓經建在縣治南五里

進士

爲進士吳澮一在縣治西今廢一在下都石灘村

聯芳

爲舉人劉觀劉安在南門外夏街今廢

奕世承芳

爲舉人郭愈在犀瀝溶村

登雲

爲鹽運副使廖曦在縣治今廢

雙桂

爲舉人林賢伍忠在縣治北今廢

世科

爲舉人單觀渭等在下都岡貝村

敘錦

爲舉人廖佐在南門大街今廢

進士

爲進士姚珩在會仙觀前今廢

秋官大夫

爲刑部員外吳良棊在下都龍灘村

三部尙書

爲尙書湛若水在南門大街

卷之三

卷之九

勝蹟

坊表

七

昭代真儒

爲尙書湛若水在沙貝村

伯仲聯芳

爲舉人林元林允在南門大街今廢

總憲

爲按察使盧綸在縣治前今廢

郡倅

爲通判伍克剛在沙貝村

京兆

爲應天府推官陳廷璉在綏寧都仙村

鳳林

為舉人湯文經在北門外今廢

貞節

一為李夢妻盧氏在縣治南槎岡村一為陳雍妻顧氏在下都石灘村

昂霄

為舉人胡璋其北題曰義方為贈戶部主事胡鳳虞在縣治北門街口

光岳賁文

為舉人黃文典在縣治寺前街

曾成縣志

卷之九

勝蹟

坊表

六

儒宗

爲福建提學胡庭蘭在縣治中街

岳秀

爲舉人黃夢說在南門外

旌節

一爲熊璧客妻姚氏在楊梅都獵田埔一爲張品松妻鄭氏在西郭巷

孝達彤廷

在上都壘下村爲孝子馮雅玉建

昇平人瑞

docsriver 文川网
入驻商家 古籍书城

在文川网搜索古籍书城 获取更多电子书

在上都麻車村爲百歲壽官劉超達建

七葉衍祥

在城南相江約爲六品百歲壽官鄧延拔建

瑞毓期頤

爲南山壽官蔡維習建

舊碑

趙署侯遺愛碑

諱鉞長汀人

邑人曾受益撰文曰隆慶戊寅冬吾增缺令樞府熊
 公于屬郡有司中甄其廉敏者特檄懷泉趙公來署
 茲邑比至公歷考前令朱文二公咸以廉慈稱足
 通有肆騁不迪武觀魚肉民無完產者凡幾許乃嘆
 曰予業此拯溺焚候也反之宜亟少有乖張以殃
 民自殖循覆轍爾也又何賴焉于是以父母斯民為
 已任視民隱若瘝乃身苟有一分可以寬民者饒為
 之雖病其厲已弗恤人人獲惠若繁陰之覆蔭春陽
 之和煦鑠金烈石之炎寒頓易厚下安宅之恩渥矣
 夙性清介茹蔬屢如也
 愈凜人不敢以私干公慎不以私假人本源澄徹心
 地光明可以對天地質鬼神躋公古廉吏可後先媲美
 美是不可可以觀公之完哉若詢事辨詞親筆續東群
 吏無得輕重上下手乃公餘耳匪足為公知也彌五

丁亥系

卷之七

勝蹟

舊碑

三

月代邑士民走送咸泣下不忍別徵文于予鐫石以
 承遐思予欣然曰瓊玖思報甘棠思遺古今一心厚
 道也仁以虐啟恩以怨資怨虐蔑然仁思易顯予既
 追往感今贈公言知公審矣敢不敬揚光烈以翼成
 休詞曰列宿郎耀兮徹斗台一脉陽和兮毓百芟神
 龍奔波兮施雨來激厚翔伊兮迴氛埃五月膏澤兮
 潤八埭海齒冰蘖兮苦九迴圖書滿篋兮愧多財兒
 童好音兮華鏞載願公浚源兮流益恢祝公頤壽兮
 熙春

賢侯喻公去思碑

諱子賢萬載人

東莞鄧雲霄撰文曰世之善宦者始獵名既獵膺位
 快捷徑矣比其去也又欲獵取輿論於片石以殿捷
 徑後保勿敗其鐫石者亦欲獵取去者見我德希後
 來恩是官與民交相獵以有此片石也乃字曰去思
 非思其人思其名位之赫赫者耳若是則政飾而民
 坎壈戾之焉不可胡于世矣媚風愈煽吏治大壞余

甚憂焉有官於此為治毋近名市德不避謗家視邑
 子視民下頌而上忤竟失意去不惟無赫赫名且奪
 厥位矣後來之恩何有然士民思之久而彌摯此其
 政非飾而民非欺也明矣近乃見之增令喻公公初
 令程鄉治行藉甚調增邑下車為百度嚴一介茹苦
 而分甘于民催科肅程限民自樂輪鞭釜聲希堂簾
 琴韻冷然也訟者追呼就聽只以片紙榜其人門曰
 縣呼若限某日至民罔不至至乃聽罔不中情實而
 以寬政貸之其御吏也芒寒色正笑比河清舞文奸
 胥嚙指睨視弗敢弄威惠大行民飲醇而吏負霜者
 甫一莽忽以內艱去萬井悽然如離襁褓久乃聞其
 左遷休致益為感動悲憤其思愈深邑大夫士若民
 諫勒厥美於石徵文于余余辭不文若道其實則授
 簡而可因述美績概而詮次之知其文非欺而官非
 飾余亦道諛言之誚以毋巉筆札幸多矣昔人傳循
 吏銛筭鉤距者多負赫赫名而民鮮去思所思者乃
 在鏗耀無奇之何武余昔承乏諫垣糾銓迺一疏專
 欲拔循良而抑浮競好名獵進吏語侵當路竟外補
 今銓次喻公政實不覺為世道長太息然喻公官如
 何武而碑若峴石視彼赫赫者孰榮余為之執鞭所

忻慕
焉

貞吾陸公去思碑

諱世科鄞縣人

東莞袁應文撰文曰思者生乎情者也情鍾而思若注情索而思若遺獨罔極之思與蒼旻同戴計天壤間無以並此乃豈弟君子至與同稱蔽芾之章千載之下誦之宛若終身之慕之也古鄞陸侯來宰余鄰邑增城增固文獻治然介在山僻壤瘠而賦重俗偷而民曠盜賊橫而訟獄無情其豪悍以犯上為得意蒞茲土者兢兢于三年無過足矣侯則家視而身荷之精誠運用莫知其然坐而遍悉蒼黔之疾苦狐鼠之耗蠹蛇蝎之藪藏搜剔殆盡崇箴諭禮者頑興髦士闢草萊勸課恤災練戍輯禦議屯設堡為增邑萬年之利則又靡可得而指數也汲汲乎若痲瘵切體饑溺駢集實暮經而旦營日程而月課侯之用心良苦矣或曰侯潔已率人故不言而化有出于用心之表良然予嘗見閩閩學校不給者且剖原思之粟也

政成而增城大治屬吾邑闕令尹莞之人請命于上
曰願得陸侯而兼攝焉一日亦三年也迨借寇侯復
以治增城治東莞東莞比增城較饒而囂陵詬諄為
甚其一二憑依作孽者往令不敢問侯獨執法不為
旁撓未期月而東莞大治士民歌焉臺使廉兩邑治
狀首薦之當宁將置侯于耳目喉舌之任兩邑赤子
向日侯置于德祗中悵然若離怙恃道走巷語曰侯
吾真父母也何以報罔極相率而祠于增江之澚曰
侯惠澤之常注也如江我想悠悠亦有同茲水也祠
與鳳臺相望曰吾以當岷岷焉而猶未足也伐石而
紀實以志思焉曰片碣羹墻也庶幾見侯于
石焉謂不肖為侯旁被中人也因請紀之

楊貳尹去思碑

諱九韶鄧川人

邑人曾受益撰文曰嗟夫郡邑之職為親民設耳然
必致所親愛于民然後民亦親之上下交相親如腹
心手足之依庇故居則愛去則思古之循良大抵然
也晚近之治郡佐郡治邑佐邑治者大約多枉道以

事茂系示

卷之九

勝蹟

舊碑

三

于譽拂民以從欲弗以市利則以要名反其所謂觀
 民者以仇民即或以稱職遷擢而去民亦且胡越視
 之甚且疾之若鷹鷂以得其去為快思于何有記于
 何存余以是知上官之耳目可蔽交遊之聲譽可營
 而民各自有腹心各自有手足不可以威勢借也適
 今于佐增之楊公有異焉公諱九韶字虞善號襄翁
 家世鄧州稱漢南巨族皇父侍御公忤瑾當有直
 聲動天下公蚤歲繩武工經術樹中原壇幟德廉諸
 生為膠序冠軍而誦於一第僅應恩選得授今職職
 在清軍伍稽盈虛公至而諸弊肅清利宜興害宜去
 一動中宜寡伍伯吏胥惴惴奉法惟謹無敢惰緩
 既而漸安之久則服之日親禮賢士大夫問民疾苦
 兩臺部使廉得其實而以署邑事屬焉公益勵其節
 操誠不愧因知家風蒞事以來庭無笏牘野無聲鼓
 若催征則革加耗覈逋丁而民之樂輸視他邑大勝
 卓然稱神明宰不異已嘗有海上積窩出艘禦人當
 事莫之踪跡公一鼓遂獲戾賞秋巨寇蹂躪濠遠公
 舉鄉兵禦之計擒渠魁餘黨始望風奔竄至于將殺
 人之酷寃鞭勢豪之悍僕尤佐邑者所難其政之大
 者明倫堂久祀公直以身任之捐貲助建道觀厥成

若大鑄巨鉄以備不虞皆條理明著復查山隱沒之
硝磺無算皆增之永賴弗諉者宜今循良如陸侯且
傾心以推轂之也獎勞之語游加俱稱其心恬淡才
魁梧月旦所評最得公之真品是時有建統臺之役
適公以遷擢行士民詣當道乞留以終事不可得臨
行時乃詳為定畫且山餐餞三十緡以贊成焉曰爾
增獲有寧宇余寧載石而去也其惓惓于增類如此
既去之明年士民思之益深迺就余謀之俾勒一言
以識峴石遂直書其事復系以詩曰公之來始用嚴
肅風雷天澄鮮公之後治用恬重經術勸課先均賦
役靜不宣公之去民卧轍庶載來旌
翻翻棠有蔭春晝妍勿剪伐萬斯年

賢侯太倉王公遺愛碑

諱瑞國太倉州人

潮陽李士淳撰文曰方今聖天子混一區宇右文宣
化與中外大小臣工改絃易轍厲精圖治為人臣者
欲以仰承德意勝其任而愉快殆無所不難而為令
則尤難六官之事以一身兼之長於刑名者或闇於

錢穀工于催科者卽難言繼字爲令難矣而爲令于我粵則尤難確派恒浮正額繭絲保障兩有所窮山海實藪萑蒲飭武修文不可偏廢而粵民雖稱易治然恩則狎威則怨有迥出于情理之外者故尤難也婁東王公蒞吾增三年增故爲叛寇割據綏雲等都解額糧料不及五分侯二年內平定安集歲增一分雖不辭勞苦而民終無怨歸至鼠牙雀角則皆原情伸法民自以不寃侯爲江南麟州先生冢孫淵源家學文章久膾炙海內丁酉分校粵闈所取皆夙名佳士而首卷張生朝紳尤榮邑之最著者也同門錄紙貴一時而增之文風從此丕振同爲侯餘事而三年內邑兩用兵所以繫暴安良者無所不至有文事必有武備豈其然乎粵中公務例皆以一派十則務易完而博敏幹之名餘或自私以肥橐或徇情以市恩故公務一至官吏皆有喜色侯所派毫無少益故務難完而藩差之窘迫不爲色動豪猾之包攬悉行禁止嶺南初闢官皆委署營求者衆故爲令者每易於去位侯於去夏乞休而各臺爲地方計無不婉諭勉留至冬侯諄直指使者趙公勉留更殷且諭以首薦爲慰侯免冠以白髮請趙公爲心動猶屹屹乎辭之

侯再四陳請方以年老上聞迨侯將行而贈之士民
向上臺額請欲暫留數月以終惠吾民侯復請官早
代有不可一朝居之勢于是諸生黎粵俊等以侯政
績介余求紀其事勒石以表遺愛余不文何以識侯
不朽乎則爲反覆三年之內侯之易人所難人所
易者而尋繹之益其心事粹白有非常人之所及其
隱惠陰功所造于增亦非常人所得而窺宜增之人
士謳歌思慕之余雖不文藉侯以不朽也侯諱瑞國
字子彥號麋涇蘇州太倉人由辛酉鄉進士

方輿

埤坊県志

卷之六

七

docsriver 文川网
入驻商家 古籍书城

在文川网搜索古籍书城 获取更多电子书

塚墓

唐寧國伯何昌期墓

在通儒鄉七拱橋據通志按縣境無通儒鄉七拱橋之名

宋綿竹令古成之墓

在惠州長寧縣君子峯古碑尚存子孫世祀焉

南海郡清獻公崔與之墓

在邑治西六十里

明梁異墓誌銘曰宋贈太師右丞相崔清獻公之墓在增城雲母里古華山之原父贈太師諱世明之墓在石壁山母贈申國太夫人羅氏之墓在四望岡公之夫人林氏附馬皆同里相望後世子孫從而附葬者以十數元代之盛礪砌宏麗林木蒼鬱上干雲霄元代訖祿盡皆墜廢當時碑碣無復存者入國朝平

勝蹟

塚墓

三

治四十餘年其五世孫子燧等修而葺之幾復其舊
 樹松千百如昔時其用心可謂至矣徵余文誌之余
 與子燧同被辟搜遺書始識子燧于那學之明倫堂
 相與定交今十餘載且嘉其能于繼述義不得辭按
 狀公諱與之字正子其先汴人贈太傅諱克字子仁
 葬江西寧都黃金坑者公會大父也贈太傅諱雋葬
 惠州河源縣義合鄉者公之祖也公之母夫人羅氏
 夢星墮懷孕而生公遂名星郎及長稠儻有大志讀
 書務通大義不事章句為文務得大體不事靡麗紹
 熙庚戌由計偕升入太學登進士第自濬州司法起
 家累官至金部員外郎直寶謨閣帥淮東皆有惠政
 加龍圖閣太府少卿除秘書監太子侍講權工部侍
 郎兼國史實錄院修撰帥成都授四川安撫制置使
 甲申丐祠以權禮部尙書徵辭不起脫簡繼志述事
 老而彌篤者也其在太祖朝以賢良徵至將授以官
 子燧固辭歸老巖谷惜不見其設施使翻然改圖致
 身庶廟必能世其家業播其能聲是可恨也予既重
 其請且欲寓高山仰止之誠于是乎銘曰銘獻以清
 惟德乃馨億萬
 斯年子孫繩繩